

Jubli Perak Taman Laut

MOA anjur Hari Bertemu Pelanggan, rai warga Pulau Tioman



Boleh Datuk terangkan mengenai agenda program ini?

MUNIR: Untuk makluman semua, Kementerian Pertanian & Industri Asas Tani (MOA) akan mengadakan Hari Bertemu Pelanggan Peringkat Negeri Pahang esok, di Pulau Tioman. Program ini akan membuka ruang seluasnya kepada warga Pulau Tioman dan kawasan sekitarnya untuk berinteraksi dan mendapatkan informasi terkini mengenai perkhidmatan yang ditawarkan MOA. Kita mengajak semua penduduk Pulau Tioman sama-sama meraikan Jubli Perak Ke-25 Tahun Taman Laut Malaysia, ber tema "Life Below Water".

Mungkin ramai yang tidak tahu mengenai Taman Laut, boleh Datuk jelaskan?

MUNIR: Penubuhan Taman Laut adalah cetusan idea Tun Dr. Mahathir Mohammad ketika beliau menjadi Perdana Menteri pada tahun 1980an. Ia bertujuan bagi mempertingkatkan sumber perikanan, memelihara dan melindungi ekosistem laut. Ini disebabkan kesedaran bahawa sumber perikanan telah mengalami penyusutan. Kawasan terumbu karang yang merupakan habitat pelbagai spesies ikan komersial berlindung, membiak, mencari makan telah terdedah kepada pelbagai ancaman. Jadi, taman laut ditubuhkan sebagai usaha

pengurusan sumber marin yang lebih sistematik bagi masa depan khazanah laut negara. Sehingga kini, terdapat 42 pulau yang diwartakan sebagai Taman Laut di lima negeri iaitu Kedah, Terengganu, Pahang, Johor dan Labuan.

Sempena sambutan Jubli Perak Ke-25, apakah antara pencapaian terbaik Taman Laut?

MUNIR: Terkini, terdapat lima Pusat Taman Laut yang beroperasi iaitu di Pulau Redang dan Pulau Perhentian di Terengganu, Pulau Tioman di Pahang, Pulau Payar di Kedah dan Pulau Tinggi di Johor. Pusat-pusat ini sentiasa memastikan perairan Taman Laut dikawal selia sepanjang masa dan menerima aduan pencerobohan, selain mengadakan program-program kesedaran awam kepada penduduk tempatan dan pengunjung. Taman Laut menjalankan kerjasama strategik dengan universiti tempatan dan pihak NGO dalam usaha mengurus dan merancang penubuhan tamān-taman yang baharu. Kerjasama ini juga membantu Taman Laut dalam sistem pemantauan tahap kesihatan terumbu karang. Pada tahun 2018, Taman Laut berjaya mengekal dan meningkatkan tahap kesihatan terumbu karang 26%-50%.

Taman Laut Pulau Tioman telah diiktiraf sebagai Kawasan Perlindungan Marin (MPA) Ka-

Esok, Jabatan Perikanan Malaysia (DOF) meraikan sambutan Jubli Perak Ke-25 Tahun Taman Laut Malaysia sejak ia mula diwartakan pada tahun 1994. Taman Laut ditubuhkan sebagai usaha pengurusan sumber marin yang lebih sistematik bagi masa depan khazanah laut negara.

Sehingga kini, terdapat sebanyak 42 pulau yang diwartakan sebagai Taman Laut di lima

negeri yang mempunyai Taman Laut iaitu Kedah, Terengganu, Pahang, Johor dan WP Labuan.

Bersama Ketua Pengarah Jabatan Perikanan Malaysia, Datuk Munir Mohd Nawi untuk mengetahui lebih lanjut fokus dan agenda yang bakal ditampilkan pada sambutan Jubli Perak Ke-25 Tahun Taman Laut Malaysia?

tegori Tahap 4: Flagship Regional Sites, penilaian tahap tertinggi diberikan oleh Coral Triangle Initiative, dari aspek ecological, governance and society. Ini membuktikan kejayaan pengurusan dan pemeliharaan Taman Laut Malaysia terutama sekali Taman Laut Pulau Tioman adalah setanding dengan negara ASEAN lain. Taman Laut Malaysia menjadi pusat rujukan negara yang sedang menaik taraf pengurusan sumber marin seperti Bangladesh, India, China dan Hong Kong.

Mengapa sambutan ini diadakan di Pulau Tioman?

MUNIR: Taman Laut Pulau Tioman setanding dengan Taman Laut negara ASEAN yang lain. Pulau Tioman juga merupakan pulau yang terbesar di perairan Pantai Timur Semenanjung Malaysia. Terdapat perubahan yang besar dalam sosioekonomi masyarakat di Pulau Tioman hasil dari penubuhan Taman Laut ini sejak tahun 1994. Komuniti di Pulau Tioman dengan kepadatan penduduk lebih 3,500 orang ini amat bertuah kerana kekayaan sumber biodiversiti marin yang dapat menambah pendapatan dan menyediakan peluang pekerjaan kepada penduduk-penduduk pulau ini serta menyumbang kepada peningkatan sektor agro pelancongan.

Pengurusan Perikanan dan Agro Pelancongan sebagai salah satu sumber pendapatan ekonomi setempat dan memberi impak ekonomi yang besar kepada Daerah Rompin dan Negeri Pahang amnya.

Apakah usaha Jabatan Perikanan Malaysia dalam mempromosikan Taman Laut?

MUNIR: Kami menganjurkan pelbagai aktiviti kepada orang ramai untuk menerapkan mesej kesedaran dalam memelihara Taman Laut ini. Antaranya, pembersihan dasar laut dan kutipan tapak sulaiman mahkota berduri dan program kesedaran bersama pihak sekolah, universiti dan NGO dalam menerapkan kepentingan kewujudan Taman Laut dan pemuliharaan sumber biodiversiti marin yang seterusnya menyumbang kepada pelbagai bank genetik hidupan marin.

Bagaimanakah tahap penglibatan orang awam?

MUNIR: Penglibatan orang awam di dalam program-program Taman Laut sangat memberangsangkan dan sambutan baik diterima di pelbagai peringkat. Pengurusan Taman Laut yang cemerlang memerlukan kerjasama erat di antara jabatan dan orang ramai. Orang awam merupakan mata dan telinga kepada Taman Laut dalam memas-

tikan sumber biodiversiti marin dilindungi dengan sepenuhnya. Usaha ini telah menampakkan Di Taman Laut, pengunjung dibenarkan melakukan beberapa aktiviti yang tidak merosakkan terumbu karang dan persekitarannya. Antara selam skuba, snorkeling, merentas/mendaki hutan, berkayak, berenang dan fotografi. Para pengunjung dilarang sama sekali melakukan aktiviti yang boleh mengancam atau merosakkan ekosistem terumbu karang. Pengunjung boleh dikenakan tindakan di bawah Akta Perikanan 1985.

Apakah kata-kata akhir dan harapan Datuk mengenai program ini?

MUNIR: Saya mengalu-alukan kehadiran semua penduduk Pulau Tioman dan kawasan sekitarnya untuk sama-sama meraih sambutan Jubli Perak Ke-25 Tahun Taman Laut Malaysia esok, bermula jam 8 pagi hingga 8 malam. Program ini akan dirasmikan oleh Ketua Setiausaha, Kementerian Pertanian & Industri Asas Tani sendiri iaitu Yang Berbahagia Datuk Mohd Sallehuddin Hassan. Ketua pengarah dari setiap jabatan dan agensi serta pegawai-pegawai kementerian juga akan turun bersama-sama membantu menyelesaikan masalah dan aduan secara langsung.

Pelbagai program dan acara menarik pastinya menanti pengunjung, antaranya Perhimpunan Nelayan Komuniti Perikanan, Sesi Penerangan dan Kaunter Perkhidmatan Interaktif, Ghost Net Removal Expedition, Perasmian Jubli Perak Taman Laut, Perasmian Jeti Taman Laut, Uji-rasa Produk Inovasi Perikanan dan pelbagai aktiviti kemasyarakatan. Sama-sama kita mengharungi kepelbagaian flora, fauna dan hidupan marin yang boleh menyumbang kepada penjanaan ekonomi negara yang mapan.



Putus operasi Taman Laut Pulau Tioman sentiasa bersedia menanti kunjungan orang ramai.



Menteri Pertanian dan Industri Asas Tani, Datuk Salahuddin Ayub (duduk di tengah), pada program Hari Bersama Pelanggan di Pulau Pinang.